



ҚАЗАҚСТАН ҰЛТТЫҚ БАНКІ

## АҚПАРАТТЫҚ ХАБАРЛАМА

**Қараша айында 2300-ден астам алтын құйма сатылды**

*2020 жылғы 9 желтоқсан*

2020 жылдың қараша айында ел тұрғындары екінші деңгейлі банктерден және банктік емес айырбастау пунктерінен жалпы салмағы 74,1 келі, 2 327 өлшеуіш құйма сатып алды. 2017 жылдан бастап жалпы салмағы 1,45 тонна болатын 40 081 алтын құйма сатылды.

Алтын құймалардың бес түрі бар: 5, 10, 20, 50 және 100 г. Ең көп сатылғаны - 10 г құйма. Сатылған барлық құйманың ішіндегі оның үлесі 25%, яғни, 10 199 дана. Одан кейін 20 грамдық – 9 061 дана (23%) және 100 грамдық құйма – 8 863 дана (22%), 5 грамдық – 7 001 дана (18%), 50 грамдық құйма – 4 957 дана (12%).

Құймаларды сатып алу жағынан Алматы қаласы көш бастап тұр (сатылған құймалардың жалпы санынан 54%), одан кейін Атырау (13%), Нұр-Сұлтан (11%) және басқа өңірлер (22%) болды.

Кері сатып алуға жалпы массасы 3,3 кг 129 өлшеуіш құйма ғана қайтарылды. Алтын құймалар – инвестициялаудың сенімді құралы бола алады. Банктердің және банктік емес айырбастау пунктерінің клиентке «сол күні» ақша төлей отырып, құймаларды кері сатып алу мүмкіндігі – алтын құймалар нарығының өтімділігін қамтамасыз етудің негізгі факторы.

Қазір алтын құймаларды Halyk Bank-тен, Еуразиялық Банктен, Jysan Bank-тен, Банк ЦентрКредиттен, сондай-ақ банктік емес айырбастау пункттерінен сатып алуға және оларға кері сатуға болады.

Әрбір құйма қорғаныш элементтерімен жабдықталған (құймалардың бет жағы айнадай, микромәтін және бедерлі гурт), сонымен бірге құймаларды механикалық зақымданудан қорғайтын және қаптамасының ашылған-ашылмағанын тез анықтауға мүмкіндік беретін арнайы қаптамада шығарылады. Қорғаныш қаптамасы да құйма сапасының сертификаты саналады. Сондықтан құйманы ұқыпты сақтап, қаптамасын ашпаған дұрыс.

Қазақстан Республикасының Ұлттық Банкі халық үшін тазартылған алтынның өлшемдік құймаларын сату және кері сатып алу Бағдарламасын 2017 жылы іске қосты.

**Толық ақпаратты БАҚ өкілдері төмендегі телефоннан ала алады:**

+7 (717) 2 775 205

e-mail: [press@nationalbank.kz](mailto:press@nationalbank.kz)

[www.nationalbank.kz](http://www.nationalbank.kz)